



Arubaanse Courant

página 26

DIARAZON 8 JULI 1964

No. 5078.

SALTO DI BOM NA GUAYANA INGLES TA MATA 33 HENDE

GEORGETOWN, 8 juli.- Un bom a explota en un boto, cu tabata nabega riba e riu Demerara na Guyana Ingles. Segun informan cu a drenta despues 33 persona a muri, entre cual cinco mucha. E bom parece tabata condi den e boto. E boto cu tabata transporta nobenta persona, tabata na caminda di Georgetown pa MacKenzie.

Despues di e desgracia cu boto ater indio di McKenzie a worde esina pa personanan di desendiente Africano y 33 a worde rida, di cual dies ta grave. Cindio na MacKenzie a bandona cas y a busca refugio serca tias. Un toque de queda a worde proclama.

Las o menos seis siman pasa 10 polis arma a worde traslada MacKenzie, 100 kilometer riba riu, despues cu tabatin incident serio entre indio y personanan di descendencia africana. Mayoría di e incidentenan a bin di Wismar y Christianburg ta bandanan di Africanonan a rui casnan di e indionan. Ater indio segun informe mester usa e riu di tres cien meter lando pa salba nan vida. Mas cien cas a worde quima e dia y 800 indio a worde evacua. Era nochi, despues di e asal-

to riba e boto - cu segun informe a worde sobreviví pa binti persona, mayoría di nan cu quemadura, e trupan ingles a drenta accion na Wismar y MacKenzie unda nan a corre cu publico for di riba caya.

Den e distrito di minanan di bauxiet un toque de queda a worde proclama, despues di un violencia den cual nan a bati cuater indio mata y 14 persona a worde herida di ta' forma, cu nan mes-

TOPA CU BO

AMIGONAN DEN
C H I - K O E - C H A
Coffee-shop

Capilla Tanki Leendert lo keda cla otro anja??

TANKO LEENDERT, 8 Juli. - E construcion di e capilla cual segun plannan di basta tempo lo worde construi na Tanki Leendert pa desaroya e baimento di misa den e parokio aki cu ta keda hopi leeuw for di e iglesia di distrito di Noord, segun nos a worde informá for di bon fuente, lo cuminsa te otro anja. E realisacion di e plan aki entre otro a hanja algun estorbo, door cu pastoor Nooyen di e parokia a hanja e plan cual ya a worde aproba pa D.O.W. menos bon ora cu el a ricibi back. E pastoor parse tabata di opinion cu e capilla tin di hanja un forma e interior mas moderno cutabata e intencion original. Senor Francisco Dijkhoff, kende tambe atrahe e promer plan, a priminti di traha e sketch pa e capilla mas moderno tambe. Entretanto ya tin un tereno pa e capilla, cual a worde dunadoor di senor Ilyacinthus, T.H. Erasmus pa e bon proposita y cual ta keda banda di e caminda grandi di Tanki Leendert pa Tanki Flip. E gastonan pa construcion y interior ta worde calcula pa Fl. 75.000,-. Ya un suma di binti un mil florin a worde colecta pa e proposito aki.

Don Bosco campeón volleyball escolar

ORANJESTAD, 8 juli - E aña aki tambe e competencia di school a bira un éxito grandi. Den e afdeling-A Don Bosco a bira campeón y Dominicus College sub-campeon. Den B-afdeling Benilde School a bira campeón y Prinses Margriet School sub-campeon. Den A afdeling a hunga e hobenan di klas seis y den B afdeling e hobenan di klas cinco. Tambe e aña aki e cooperacion di e maestronan pa cu nan alumnonan tabata grandi.

ter a bai hospital.

Gobernador di Guayana Ingles a duna servicio di seguridad autorisacionnan transcendental y corte supremo a hanja autorisacion pa condena hendenan cu tin explosivo y armanan ilegalmente den nan posesion na castigo perpetua y batinan.

Personanan cu voluntariamente entrega arma y explosivonan, ta sali liber.

BISANOS

E motibo pakiko mi ta haya "Arubaanse Courant" un diario asina bon, pasobra e ta "IMPARCIAL".

Aura Ras,
Cashero 34, Sta. Cruz.

FATUM

Pa tur bo aseguronan
Tel. 1845.

243 hoben a cabar Mulo na Aruba e anja aki

ORANJESTAD, 8 juli - Ayera atardi a tuma lugar na Club Bonaireano na San Nicolas participacion di e resultado di e ultimo alumnonan cu a pasa nan examen final di MULO.

Un candidata a pasa pa MULO-B ya graduada, esta Kenneth A.H. Poivilet. Siete candidato a pasa examen complementario pa MULO-B di cual cinco no a pasa. Esnan cu a gradua ta Henry A. Fingal y Ismael Croes, pa MULO-A a bai dos candidato y tur dos a pasa esta Adeline F. James y Oidine V. Pantophlet.

RESULTADO FINAL

E resultado total di e examen di Mulo cu a tuma lugar e aña aki ta como lo siguiente: en total 292 hoben a haci nan examen di Mulo, sea A of B Di esaki 243 a pasa cu bon éxito, di cual 22 pa Mulo-A, 15 pa Mulo-B, cuatro pa Mulo-A completamentario y dos pa Mulo-B completamentario. E mihor candidata di henter e examen a resulta srta. Margot E. Baarh.

Srta. Baarh ta yiu muher di señor y señora Baarh di Guyabastraat, Margot ta un alumna di St. Maria College na Oranjestad y tabatin diez pa biologie, aardrijkskunde y algebra, nueve pa fisica y meetkunde y ocho pa hulandes, frances, ingles y spaño y historia. Su promedio tabata ocho y mei.



Na Palma de Mallorca Susan Holquist di Dinamarca a worde eligi como Miss Nations 1964. Aki e reina di belleza huntu cu su antecesora e sueca Monica Ragby.

Lydia Henriquez dia 12 pa Miss Universe contest

ORANJESTAD, 8 juli - Muy probablemente señorita Lydia Henriquez, e candidata di Aruba pa e eleccion di Miss Universe, dia diezdos venidero lo cuminsa e aventura grandi. E dia ey segun ta worde spera e lo sali for di Aruba pa na Corsow topa cu e candidata di nos hermana isla, srta. Iris de Windt. Huntu cu e candidata di Corsow, Lydia Henriquez lo sigui e biaha pa Jamaica, caminda tur e candidatanan di Caribe lo bin hunto pa durante diez dia haci preparacionan pa tuma parti na e enorme concurso. E plan ta pa dia binti dos di sali for di Kingston pa Miami Beach caminda e eleccion lo tuma lugar for di dia binti tres te dia dos di agosto. Srta. Henri-

quez gracia e cooperacion espontanea di su sponsornan, e comite central di carnaval di Aruba, y tambe gracias na comercio local, lo tin un garde-robe mas cu completo pa haci su viahe y participacion. Segun nos a worde informa lo un biaha e presenta den japon di anochi, un trahé di banjo y di tres biaha den un "bisti nacional" dilanti e hurado. E ultimo traje aki lo worde arregla door di e comite di damas bao di gla di señora Aura Croes. E ta worde traha segun un bisti di antes na Aruba. Como cu e di Damas por a pone man ariba un portret bieuw, den cual un Arubiana ta bisti como tal, ta muestra cu Lydia lo presenta cu tal bunita bista na Miami.



LABOR CU NUNCA TA
VARIA

IT NEVER VARIES.

ATENCION!!!!!!**ATENCION!!!!!!****"ESPERANZA TOURIST OFFICE"****Ta anuncia**

cuminzando for di diahuebs 16 di juli dos vuelos semanal riba diahuebs y diadomingo pa Baranquilla, Colombia.

Pa reservacion: Esperanza Tourist Office", telefoon no. 2402.

NOS ELECCION PA REINA DI DEPORTE 1964**Olga De Kort ta aumenta su ventaha**

Ayera Olga De Kort, e candidata di amateur Baseball Bond Aruba, a aumenta su ventaha pa e "eleccion pa reina di deporte". Na di dos lugar ta continua Yolanda Maldonado cu Myrana Schwengle di tres Filo-

mena Dijkhoff di cuater y di cinco lugar ta worde comparti door di Nora Angelay Roosje van der Linden. Ayera tardi e score segun a worde vota door di nos abonador - nan ta lo siguiente:

Olga de Kort	56	Yolanda Maldonado	24
Myrna Schwengle	18	Filomena Dijkhoff	17
Roosje van der Linden	16	Nora Angela	16
Carmen Wernet	10	Carmen Tromp	8
Millicent Maxwell	6	Edith Martinus	6
Ivonne Robles de M.	4	Leoncita Albertsz	2
Frieda Wiersma	1	Clarice Dabreu	1

OCTA y Mc Kee dilanti huez diahuebs awor

ORANJESTAD, 8 juli.- E caso cual e compania Mericano di contratista McKee, cu ta haciendo trabaoan di extencion na Lago a manda aden contra di OCTA (Organisacion Cristian di Trahadornan Arubano), segun informacion ricibi lo worde tratadiahuebs mainta venidero den un caso civil. E abogadoan cu lo defende e demandanan di McKee ta di oficina di abogado di Willem-

se & Wix, mientras cu mr. P. v/d Voort lo defende esnan di OCTA. Manera conoci McKee a nenga di delibera cu OCTA mientras cu nan no a hala e ultimanan di huelga atras. Mientras tanto ayera mainta e huelgana McKee a continua y ta muestra cu OCTA ta wardando decicion di huez promer cu nan dicidi algo otro.

Miss Curacao corona

E bellezanan aki ta Miss Curacao 1964, srta. Iris de Windt y runner-up srta. Elly Weber (Miss Amstel) ambos damas a keda eligi pa representa e hermana isla di Corsow durante eleccionnan venidero pa resp. Miss Universe na Miami y Miss World na Londen mas den anja aki.

TA HUUR

UN CAS NA HOOIBERG 51A.
E TIN 3 KAMBER, SALA, COMEDOR, CUSHINA Y UN CURA GRANDI PA PLANTA MATA.

Pa inf.: Acudi na Hooiberg 52, of jama tel. 1543.

Diezacha a gradua pa assistenttenklas

SAN NICOLAS, " Juli. - Diasabra anochi pater J. Goes den presenciancia di maestronan, comite y interesadonan a entrega na Providentia Huisoudschool na San Nicolas e diploma na 18 mucha muher cu a slaag pa e examen di assistenttenklas. E assistenttenklas ta un curso di un anja, di cual e muchamuhernan anteriormente durante dos anja a sigui un curso di preparacion cu bon exito. Den e assistenttenklas e mucha muhernan ta hanja les den educacion general, cultura y formamento femenino. Cu e diploma aki nan por sigui curso di .N.A.S. pa kinderverzorgster, pero cu ainda no tin na Aruba. E mucha muhernan cu a pasa e examen aki cu exito ta Ramona Blijden, Wilma Dandlau, Jean Dirkz, Johanna Grovell, Beatrice Gario, Joan Gumbs, Veronica Illidge, Glenda Janga, Ivy Janga, Magda Kock, Maria Maduro, Myrna Maduro, Yolanda V. Nicolaas, (kende tin di pasa examen di cushina ainda), Marima Ras, Theresita Solognier, Sylvia Sprott, Maria Wernett y Rita Wouters. E comite pa e examen aki tabata forma door di Senjora J.C. Beaujon-Brouwer, J. Arts den Boes, M. J.C. Verheggen-Mestrom y M.C. van Heumen.

Accion di Gil Robles

MADRID, 8 juli. - E lider cristian democraat spanyo Jose Maria Gil Robles a pidi e procureur general di corte supremo na Madrid pa haci un investigacion di e acusacionnan di un corant falangalista na Spanja, cu parce e ta dirigi e placa di e famia dominicana Trujillo y cu for di exterior el a dirigi a saltonan na Spanja. Na Roma tambe Gil Robles a entrega un queho contra e semanal italiano, cu a publica e acusacion di e corant spanjo.

Gil Robles a participa, cu e lo regresa Ginebra, pero cu e quier bishita Madrid cu frecuencia. El a bisa cu e lo sigui haci esfuerso pa adaptacion di Spanja den e comunidatnan economica, entre otro EEG. En bista di esaki e ta hanja e evolucion di regimen spanjo mas necesario cu nunca.

Examen di nobo na Francia

PARIS, 8 juli. - Mas o menos diesdos mil alumno na Marseille y Toulon mester pasa un parti di examen di filosofia y fisica di nobo, pa nan hanja nan bachillerato. E minister Frances di ensenyanza a tuma e decision e siman aki pasobra e preguntanan di e examen den e dos ramonan ey cu a worde haci siman pasa, tabata na venta for di un siman prome cu e examen.

- DECIMO A.S.U. OLYMPIADA-

Awe, 8 juli

08.00 p.m. BASKETBALL, damas na LAGO SPORT PARK entrada fl. 1.--
09.00 p.m. BASKETBALL, ARUBA vs PTO RICO (Cab).
na LAGO SPORT PARK
entrada fl. 1.--

TERITORIO INSULAR DI ARUBA

Ontvanger di Teritorio Insular di Aruba ta participa na esnan cu debe awa pa luna di mei 1964 cu aanmaning lo ser poni na post dia 13 di juli 1964 y cu for di dia 14 di juli 1964 lo cuminsa cobra gastonan di aanmaning pa e luna menciona.

ARUBAANSE COURANT**Ta busca****pa drenta servicio pronto****HEFE PA DEPARTAMENTO DI ANUNCIO**

Personanan casa, riba 25 anja, cu un bon educacion general, capacidad pa traha bon anuncionan y comercial tin preferencia.

Un bon salario ta worde ofreci.

Dirigi solicitacion por escrito cu indicacion personal completo, trabounan anterior y referencianan, bou di letter "CA" na oficina di e diario aki, Nassaustraat 85.

BON NOTICIA PA SENJORA Y SENJORITANAN!

Awor nos departamento especialmente pa

SAPATO Y TAS

ta completamente re-organisa

Ta un placer pa bo escohe bo sapato of tas, den e seccion agradable y aire - acondicionado.
Bishita nos, y convence bo mes.

La Linda**TA BENDI****FORD PICKUP**

1-ton

Auto fuerte - anja 1961

2 anja den uso di Lago, 1 anja na Arubaanse Courant.

Cu treeplank y grijpbeugels bandi patras. Bon manteni - motor y body den bon condicion!

Pa mas inf: Acudi na Arubaanse Courant, Nassaustraat 85 of jama tel. 1116/2116.

Torneo di biljar gana pa F. Arends

(Di nos redactor deportivo)

ORANJESTAD, 8 juli.- E ultimo dos weganan di e torneo di biljar como parti di e decimo Olimpíada A.S.U. a worde hunge den club Watapana dialuna anochi den presencia di basta publico.

Promer a enfrenta otro Francisco Croes y Vicente Henriquez kendenan a hunga unicamente cien carambola, pa asina e segundo wega bo cuminsa mucho laat. Croes a gana di Henriquez cu score di cien pa setenta y ocho. E segundo wega tabata e final entre Francisco Arends y Inocencio Farro, kendenan tabata tin dos gana y cero perdi te na e momento ey. A resulta ganador di e encuentro aki e hungador Francisco Arends cu anotacion di cien y cincuenta carambola pa cien y treinta y cuatro.

Su tacazo di mas halto tabata diez ocho, mientras cu Farro tabata tin binti cuatro tacazo. Vice presidente di Arubaanse Biljart Bond, Jack Tije Aloi - despues di e partido a pidi atencion pa palabranan di e presidente di A.S.U. Tico Kuiperi, kende a gradeci e hungadornan, clubnan cu a duna cooperacion, referinan y e publico pa porrealisa e weganan di biljar y luego a haci entrega di e trofeonan na campeon Francisco Arends y e subcampeon Inocencio Farro.

Tito Guizar cu show pa aniversario A.C. Hotel

ORANJESTAD, 8 Juli. - Ariba e di cinco aniversario di Aruba Caribbean Hotel -Casino lo tuma lugar den Klompen Klub di Aruba un show especial. Den e show aki lo presenta seis artista famoso: E conocido cantante y estrella di cine Tito Guizar kende ta actua alavez como lider di e grupo y alavez cinco cantante y ballarina. Den e cinco nan cu Tito lo presenta e blaha aki taperenece su bunita yiu muher Lilia, kende a caba di regresadi un gira di tres luna na Japon. Alavez lo tin dos duo di cual e promer ta yama su mes "Gigi & Robert": Un ballarin cu parse ta balla e conga y rumba di mas rapido cu tin y un cantante. E otro duo ta "Guillermo & Camerino" cu ta presenta musica folklorico di Mexico, entre cual "danza de Fuego", e baile di candela cual ta presenta e martiran di Cuahutemoc.

Coro di semanario Princeton pa Aruba

SEROE COLORADO, 8 Juli. - Dia binti di e luna aki lo duna un presentacion den Lago Community Church e coro di e semanario na Princeton, New Jersey. E coro cu durante trinta y cuater anja largo caba ta haci un blaha di goodwill tur verano pa exterior e anja aki ta haciendo un gira door di Sur America y pa di promer blaha lo hishita Aruba. E coro ta consisti di binti dos caballero bao di gia di dirigente - Dr. David Hugh Jones, kende ta acompaña ariba e gira pa su esposa. E grupo ta yega Aruba dia binti mainta cu un avion di Caracas. E presentacion ta cuminsa pa un cuarto pasa di ocho anochi y tur hende por presencia esaki. Unicamente un coleccion lo worde teni durante di e concierto pa yuda entri e gastonan di e viahe. Cu e coro di Princeton ta bin Aruba pa un gran parti ta di gradici na Ds. J.Q. Mayne kende desde di december di anja pasa ta domi na Lago community Church na lugar di Ds. Don Evans.

Despedida di comisario De Jager na P.O.V.A.

ORANJESTAD, 8 Juli. - Awe tardi pa cinc'or lo tuma lugar den



Feria Mundial na New York

Pasashi ida-y-vuelta pa e FERIA MUNDIAL NA NEW YORK, incluyendo acomodacion di hotel, transportacion den busnan aire-acondicionado, varios excursionnan na New York, completamente gratis.....



COLOMBIA

Pasashi ida-y-vuelta pa COLOMBIA cu estadia paga pa dos siman.

PUERTO RICO:

Pasashi ida-y-vuelta pa dos siman na Puerto Rico.



... esakinan y hopi otro regalos pa

Cada comprador di un auto nobo



CHRYSLER

PLYMOUTH

DODGE

VALIANT

FIAT

SIMCA

E campaña aki na Viana Auto Supply ta continua te fin dje luna aki. Ademas di e prijsnan ariba menciona tin:



Toasters - Heru di strika electrico - holoshi electrico balanza, radio, pressure cooker - y hopi articulo mas util pa bo cas.



TAMBE PA PERSONANAN CU CUMpra UN AUTO SEGUNDA MANO DI MAS DI MIL FLORIN, TA HANJA BUNITA REGALONAN.

Aki no ta cuenta di suerte, tur hende ta hanja regalo. Cumpra bo auto y hanja bo regalo na:

Viana auto supply Co., Inc.

MINISTER LUNS A SALI PA MOSCU

SCHIPHOL, 8 juli.- Minister Luns a sali den compania di su esposa y algun funcionario Ulandes for di Schiphol pa Moscu.

E minister ta blaha den un avion di e compania Ruso di aviacion "Aeroflot". E secretario general di su ministerio, mr. Baron van Tuyl van Serooskerken ta entre e prominente funcionariannan cu ta compania e minister durante su bishita oficial na Union Sovyetica.

Minister Luns a bisa na su salida for di Schiphol cu e bishita oficial cu e ta haci na Kremlin e prome minister Ulandes cu ta haci esey, lo no ta solamente interesante, pero tambe masha util. Un gran parti di su tempu lo ta dedica na deliberacionnan politica, pero lo mihanja oportunidad tambe pa mira algu di e pais. Asina minister Luns a bisa.

Na Moscu minister Luns lo tin

un encuentro cu premier Chroest-sjev y e lo delibera tambe cu su colega Ruso, Gromiko. Ademas di algun aspecto di e politica di Navo y organisacion di Nacionnan Uni nan lo combersa tambe tocante asuntunan economico y cultural.

Minister Luns a bisa cu e proposicion ruso pa un ehercito permanente di NAVO ta un desarrollo prometedor. Pa loque ta e punto di bista Ulandes tocante proposicion aqul el a referi na e bishita di general Rikhye na Ulanda en conecelcon cu e oferta di Ulanda pa duna algun contingente pa e ehercito di Nacionnan Uni.

Minister Luns a declara ademas cu e no tabata na altura di e bishita cu e minister indones di exterior, Dr. Soebandrio, lo haci un di e dianan aqul na Moscu. E no ta considera probable cu nan lo topa.

Temblor na Mexico ta haci hopi danjo

MEXICO, 8 juli.- Un temblor fuerte, cu marduga a azota Ciudad Mexico y e parti sur di e pais, a costa bida di por lo menos cincuenta persona, asina cifranan oficial ta bisa.

Mayoría di e victimanan a cai den cercania di Acapulco. Den algun pueblo parece mayoría parti di e casnan a cai aden. Na Acapulco pueblo parece mayor parti di e casnan a cai aden. Na Acapulco mes ningun hende a worde azota.

Segun e observatorio di Tacubaya nan a sinti 13 sacudimentu di terra. Esun di mas pisa tabata dialuna mainta.

E epicentro tabata mas o menos dies kilometer for di e observatorio. E ciudad Coyuca de Catalan probablemente a sufri mas tantu. Diesocho persona a muri eynan, mientras cu 95 porciento di e casnan a worde destrui. Diferente otro lugarnan parece a worde ununda door cu e riu Balsa a cambia su curso. E comunicacionnan cu e territorio ta quibbra.

Militarnan ta worde transporta pa e territorio azota pa yuda na e trabaonan di rescate. Tambe nan ta manda comestibles y remedi.

E ciudadnan mexicano na costa di oceano Pacifico ta worde menasa pa un orkaan, cu a hanja e nomber di indentificacion "Natalia". Diadomingo e ciudad Hermosillo, capital di e estado Sonora, a worde azota door di cual un danjo di 375.000 florin a worde causa. E centro di e orkaan tabata 150 kilometer di Mochoacan, Jalisco, Mayarit y California.

Retiro masal na compania Ulandes

GOUDA, 8 juli.- E directiva di "Koninklijke Plaatelbakkerij Zuid Holland" na Gouda a duna 130 miembro di su personal retiro.

E tres federacionnan di cual e personal ta miembro a participa cu e directiva di e compania a pone nan na altura di e decision.

Na e federacionnan e directiva a declara cu el a hanje obliga na tuma e medida ey pa motibu di falta di finanzas, y tambe e amenaza di un peticion di bancarota door di diferente creditornan asina e federacionnan ta bisa den un comunicado.

E federacionnan ta bisa cu ta trata di un retiro inmediato y ta bisa cu nan a queda asombra di e sistema cu e asunto a bai. Nanta protesta fuertemente contra e sistema irresponsable aqul di actua.

Estado nobo Africano

BLANTYRE, 8 juli.- Malawi, ex-Njassaland, a bira e di 37 estado independiente di Africa. E seremonia den e ex-colonia Britanico a cuminsa cu alzamentu dje bandera pretu, corra y berde den e stadion di deporte na Blantyre. E poblacion lo celebra dos dia di fiesta. Esposo dje La Reina Britanico duque de Edinburgh, a lesa un mensahe real. Malawi lo keda den mancomunidad.

Hotel na Jackson ta sera su porta

JACKSON, 8 juli.- Un famoso hotel pa mericanonan blacu na Jackson Mississippi, a serra su portanan pa no obedese e ley riba derechonan civil. E donjonan a bisa den un declaracion cu e hotel ta contene 250 cuarto, y cu el a sirbi durante 30 anja largu un circulo famoso di clientenan. Ciertu provisionnan den e ley nobo a obliga e donjonan dje hotel pa no keda mantene esaki como un oportunidad publico. E hotel ta carga e nomber di Robert Lee, e heroe dje guerra civil mericano.

QUENDE LO TA REINA DI DEPORTE DI ARUBA 1964?



Srta. Nora Maria Angela
Aruba Boxing Club



Srta. Millicent Susana Maxwell
Esso Service Center Sport Club



Srta. Edith Catalina Martinus
Aruba Juniors



Srta. Yolanda Maldonado
Aruba Basketball Bond



Srta. Myrna Juanita Schwengle
Douane Sportvereniging (Softball)



Srta. Carmen Adela Wernet
Aruba Athletiek en Wielrenners

TRES PREMIO Fl. 25.-

Fl. 20.- Fl. 10.-

Unicamente abonadonan di Arubaanse Courant por participa den e concurso aki.

ESNAN CU AINDA NO TA ABONADO, Y TOCH TA DESEA DI PARTICIPA, POR LAGA INSCRIBI NAN NOMBER, SEA JAMA PA TELEFON 2116 OF 1116 OF SERCA NOS COBRADORNAN.



Srta. Filomena Dijkhoff
Aruba Softball Bond

Laganos sa 'tan pronto cu ta posibel Kende e anja aki ta Reina di Deporte pa Aruba

Skirbi nomber di bo candidata favorita, huntu cu bo nomber y adres ariba un papel, y entrege'le na nos oficina den Nassaustraat 85, Oranjestad.

TUR CONTESTANAN MESTER TA DEN PODER PROMER CU DIA 11 JULI 1964.

SI TIN MAS CU UN BON SOLUCION, SUERTE LO DICIDI.

BIRA ABONADO DI ARUBAANSE

COURANT **awor**

HOPI MAS CONCURSO CU

PREMIONAN BUNITA TA SIGUI ! ! !



Srta. Olga Marcelina De Kort
Amateur Baseball Bond Aruba



Srta. Elena Rosaura v/d Linden
Volley Stars



Srta. Frida Acacia Wiersma
Aruba Volleyball Association



Srta. Carmen Maria Margarita Tromp
Aruba Lawn Tennis Bond



Srta. Ivonne Robles De Medina
Aruba Judo Bond



Srta. Clarice Brenda Dabreu
Casa Halme Softball Team



Srta. Leonelta Albertz
Conny Francis Teeners

Si, mi ta tuma nota...

*Dia 22 DI AGOSTO ta e fecha di
cerramento di e grandioso concurso di*
REY DE COPAS!

Si, esey mi sa, tur loke mester haci ta:

Simplemente duna un nomber bunita

no e 4 popchinson den Show-window di

oficina di Rey de Copas y gana placa

REGLANAN PA PARTICIPA DEN E CONCURSO

- 1) Entrega 1 botter bashi di Rey de Copas di 1/2 gallon of 2 botter bashi di Ron Rey de Copas di 3/4 liter of 4 botter bashi di Ron Rey de Copas di 24/2 of 8 botter bashi di Ron Rey de Copas di 48/4 na Aruba Distilling Co., Wilhelminastrat No. 47 y bo ta hanja un formulario pa yena bo nomber y direccion y e nombrenan pa e cuater rumannan.
- 2) Entregá e formulario aki yená na oficina di Aruba Distilling Co., Wilhelminastr. No. 47 y percure pa bo recibo, cu ta pega na e mes formulario, ricibi su stempel di entrega.
- 3) Warda dia 22 di agosto 1964 y cobra bo placa si e nombrenan cu bo a duna ta e nombrenan favorecé.
- 4) E mes persona por yena cuantun formulario cu e la deseá, contal cu e entregá pa cada formulario e cantidad di botter bashi requerido.
- 5) Si tin mas cu un beneficiado, e premio ta ser parti den esnan cu tin e nombrenan escogí.
- 6) Exigi pa bo recibo tin un stempel di Aruba Distilling Co.

SEMPER E FAVORITO
RON REY DE COPAS
EL REY DEL TRAGO

NOTA:

Directiva di Aruba Distilling Co. ta e unico entidad responsable pa scogemento di e nombrenan. E nombrenan aki lo no ser scoge pa suerte y si e nomber aki ta igual na cualkier nomber cu surgi pa algun acontecimiento, esaki ta debido na pura casualidad.



REY DE COPAS

ARUBA DISTILLING CO.

Wilhelminastr. 47

Tel. 1266

Kruschev ta presenta na radio y television

Moscu, -- UPI -- Promeministro Nikita Kruschev di Union Sovietica, quende a caba di bolbe di un biaje di tres siman door di Escandinavia, awe lo papia dilanti radio y television pa informa pueblo ruso riba su biaje y su conversacionnan priva riba "unidad den mundu comunista."

Kruschev lo pronuncia un discurso na television pa describi su tres siman na Dinamarca, Suecia y Noruega. E biaje a termina ayera ora que la regresa Moscu.

Den contraste cu e yegada di Kruschev qu a ser dunan a publicidat e prome ministro rumano, Ion Gheorghe Maurer, a yega Moscu den secreto.

Maurer a yega e ciudad aki di ripiente, y e agencia di noticia Tass a anuncia qu Maurer a bini Moscu den un bishita "amistoso." Maurer a yega Moscu mei mei di rumonan di qu e rusanan ta tratando na tene un reunion comunista cumbre na Polonia. E-saki probablemente lo tuma lugar na cabamentu di e luna aki, cu e fin pa papia riba e disputa chino-sovietico y e rumornan di inquietud entre e aliadonan di Moscu den Europa Oriental.

ELECCION PRESIDENCIAL NA MEXICO

Mexico, -- UPI -- E datonan qu a ser duna di conoce te ne momentonan aki respecto e resultado di e eleccionnan presidencial qu a tuma lugar diadomingo ultimo ta señala qu e candidato di e partido revolucionario institucional, Gustavo Diaz Ordaz, tin un ventaha considerabel riba su oponente, Jose Gonzalez Torres. E informacionnan qu a ser haña te awor aki ta masha poco, y den e votamentu den distrito nan a bisa qu Diaz a logra mas o menos 30.000 votos, contra di mas o menos 9.000 di Gonzalez Torres.

Loke ta toca ne mesanan electoral den interior di e pais, tur e datonan ta duna Ordaz un victoria aplastante. E comision federal electoral qu ta encarga cu e votamentu ta spera na haña datonan final banda di dia 12 di juli, riba cual dia e juntanan di eleccion ta caba di conta e votonan di henter e republica.

E otro lugarnan di Estado de Guerrero na unda e terremoto a ser sinti cu gran intensidad, pero na unda nan no a registra dañonan material, segun e noticianan qu nan a ricibi anto, ta Ajuchitlan, Pinzon, Pilculla, Ixcatepec, Coagayutla, Zihuantanejo, San Jeronimo, y Acapetlahuya.

E dañonan den e ultimo poblacionnan aki ta consisti den cai mentu aden di casnan, parrokianan, y durante un di e desgracianan aki, na Tlalchapa, e palacio municipal a cai aden, ademas di que mayor parti di e construcionnan, of sea esnan qu a keda para a sufri dañonan di consideracion.

Gobernador Doctor Reymundo Abarcá Alarcón, a sali awe mainta pe zona di desastre, acompaña pe director di obranan publica di Mexico, Francisco Valdes Medrano, pa tuma nota di e situacion y a manda gruponan di rescate pe zonanan mas afecta.

Tur e poblacionnan qu a wordu afecta pe temblor ta situa banda di otro y casi riba e frontera di Estado de Guerrero cu Michoacan.

Nan ta spera qu Kruschev lo entrevista su mes cu Maurer. Rumania di su parti, den e ultimo lunanan aki, a mostra qu e no ta gusta e esfera di influencia di Krenlin. Pa tal motibu e pais aki a tuma un posicion casi neutral den e disputa ideologica chino-sovietico y di otro banda ela hasi algun movimiento pa fortifica comercio cu Oeste. "Bon vecinidad" esey ta e tema qu prensa soviética a describi e biaje di Kruschev door di Escandinavia.

Suecia ta cambia systema belasting

STOCKHOLM, 8 juli. - Un comision especial di estudio algun tempu pasa a haci un proposicion na gobièrno Sueco pa un cambio multiple den e sistema Sueco di belasting.

Den e proposicion aki, cu ta basa riba e idea fundamental pa mantene e entrada for di belasting igual pa estado, nan ta duna preferencia na un cambio continuo di belasting directo pa belasting indirecto.

E reformanan di belasting cu a worde propone, cu lo mester worde introduci sucesivamente den e periodo 1966-1970, lo mengua e presion total di belasting riba famianan cu yui, mientras cu solteronan y esnan sin yui lo mester paga mas cu ta e caso den e actual sistema di belasting.

Almirante Rickets a fallece na N.Y.

WASHINGTON, 8 juli. - E vice chef di operacionnan di marina mericano y cooperador na e flota nuclear cu tripulacion mixto, a muri na New York di un atake di curazon. E almirante tabatin 58 anja.

Almirante Ricketts tabata aviador di marina. E tabata comandante di e forsanan amfibio mericano den oceano Pacifico durante segunda guerra mundial. El a participa na e invasionnan di Tarawa, Eniwetok, Saipan, Tinian, Iwojima y Okinawa y na e ocupacion di Japon.

Anja pasa almirante Ricketts a bishita diferente capital Europeo pa papia cu e gobièrnonan pa nan acepta e proposicion pa crea un flota Polaris.

Gobierno nobo na Jordania

Amman 8 Juli. - Behjar Talhoeni, hefe di e gabinete di e rey di Jordania, quende a worde encarga pa Rey Hoessein cu formacion di un gobièrno nobo, entre tanto a forma un gobièrno nobo.

Bahjat Talhoeni ta adeinas di premier, minister di husticia. Hefe di e gabinete ta awor Hoessein Inn Nasser, e hefe di e gobièrno anterior, cu a retira.


Di fuente autorisa a worde informa cu e cambio den e gobièrno ta relaciona cu estado di salud di Hoessein Inn Nasser, quende den ultimo lunanan a haci dos operacion y tabata hopi tempu na Inglatera pa recuperacion.

Rusia ta contra Moise Tsjombe

MOSCU, 8 juli. - Den circulo diplomático na Moscu a worde informa cu e declaracion di Rusia cu a worde entrega na Oe Thant, ta bisa cu Rusia no ta dispuesto pa acepta Tsjombe como hefe di gobièrno atrobe na Kongo, tampoco si e tuma ex Loemoembistanan den su gabinete. Union Sovietica ta anima anti-imperialistanan, muy enespecial e paisnan Africano-Asiatico, pa nan bai di acuerdo cu e punto di bista Ruso.

KNSM

your line



TELEPHONE 1777-3 LINES

SCHEDULE OF ARRIVALS/DEPARTURES AT/FROM ORANJESTAD

NOMBER:	FECHA:	FOR DI:	PA:
MARON	9-7-64	U.S. Atlantic Ports	Venezuela, Port of Spain, U.S. Atlantic Ports
PRINS DER NEDERLANDEN	11-7-64	Europe	Kingston
HELGA WITT	13-7-64	Canada	Georgetown (Demerara)
THEMIS	15-7-64	U.S. Gulf Ports	Venezuela, Port of Spain, Barbados, Paramaribo, Europe.
SOLOON	16-7-64	U.S. Atlantic Ports	Venezuela, Georgetown, Paramaribo, Canada
PRINS DER NEDERLANDEN	17-7-64	Kingston	Curacao, Port of Spain, Southampton, Amsterdam.

E proposicion di Rusia na Hapon

TOKIO, 8 juli. - Gobièrno Hapones ta sumamente asombra di e proposicion Ruso cu el a hanja tocante formacion di un ehército permanente di Nacionnan Uni, pa haci e trabao di e organizacion mundial mas eficaz.

Na e ministerio di exterior nan ta puntra nah mes paquico Moscu a dirigi su mes prome na Hapon y parce no a manda un nota tocante e asunto aquir pa Washington, Paris of Londen y paquico el a haci e proposicion aquir sin spera riba e proxima sesion di e asamblea general di Nacionnan Uni.

Den circulo Hapones nan ta opina cu Union Sovietica quier mira e asunto soluciona prome cu Peking worde admiti eventualmente na Nacionnan Uni.

Inglatera no a ricibi un proposicion di Inglatera pa formacion di un ehército permanente di Nacionnan Uni. Asina e portavoz di e ministerio ingles di exterior a participa. Tan leeu cu e tabata sa ningun di e aliadonan di Inglatera a hanja un tal proposicion.

Lodge consehero di Scranton

HARRISBURG, 8 juli. - Henry Cabot Lodge, e exembajador mericano na Vietnam del Sur, a bira consehero personal di e gobernador republicano di Pennsylvania, William Scranton, quende ta luchando pa puesto di candidatura presidencial di Merca di partido republicano, contra e senador derechista, Barry Goldwater. Scranton a participa esaki na un mitin cu prensa. E siman aquir un comision di cien miembro ta reuni na San Francisco, cu mester formula un politica pa e convencion di partido riba cual dentro di un siman e candidato republicano worde indica.

Segun mayoria di e expertonan ya Scranton no tin ningun clase di oportunidad mas.

Mas bien nan lo por trata na e conferencia di e siman aquir pa Goldwater tuma un actitud mas liberal.

E asunto mas importante lo ta esun di derechonan civil. Manera ta conoci Goldwater avota contra ora cu senado cu un mayoria aplastante tahata na favor di ley pa derechonan civil.

Atake di Vietcong

SAIGON, 8 juli. - Un atake di mas o menos seis cien guerrillero di Vietcong riba un campo di comando di Sur Vietnam na Nam Dong, seis cien kilometer Noord di Saigon, a causa bida di 58 miembro di ocupacion di e campo, entre cual dos mericano y un Australiano. Segun circulo militar na Saigon por lo menos

Sale

Na MANSUR TRADING Ta continua!!!

(awor bao direccion nobo)

CONSTANTEMENTE MERCANCIA NO-BO DI CALIDAD TA WORDE AGREGA NA E BARATILLO AKI. POR EHEMPLO COMPARA SIGUIENTE PRIJSNAN:

	antes	awor
zwembroek pa mucha		
muher	f. 9.--	f. 4.95
Tafeta pa yarda	f. 1.25	f. 0.35
Tas pa damas	f. 7.50	f. 3.95
camisa pa mucha	f. 5.--	f. 2.95
sapato pa mucha muher	f. 7.50	f. 3.95
Carson di khaki pa caballeros	f. 7.50	f. 3.50
Pijama pa caballeros	f. 7.50	f. 1.95

y hopi otro articulos mas. Bo no ta perde nada si bo pasa un rato, y convence bo mes. ALCONTRARIO!!!

tres mericano a worde herida.

Di parti di e rebeldenan, cu tabatin apoyo di mortier y scopetnan automatico, pisa, tabatin por lo menos 49 morto.

Pero Vietcong no a lograd quibra e barricada di prikkeldraad cu tin rondo di e campo. Finalmente nan mester a retira. E mericanonan cu a muri y e Australiano tabata na Vietnam del Sur como consehero.

Festival di cine na Berlin

BERLIN, 8 juli. - Inoficialmente a worde participa cu e pelicula "Soezoez Yaz", di Ismail Metin a worde corona cu e gran premio di e festival di cine na Berlin.

E premio pa e mehor artista femenino a bai pa Sasjiko Hidari di Polonia den "Nippon Konsjoe-ki di Sjoemi Imaroera."

E mericano Rod Steiger a hanja e premio pa e mior actor pa su actuacion den "The Pawnbroker" di Sydnét Lumet.

E premio pa e mior regia a bai pa e indio Satyaji Ray pa e pelicula "Mahanagar".

Incidente fronterizo entre Israel en Siria

TEL AVIV, 8 juli. - Artilleria di Siria a tira dos ora riba poblacion di Israel den e territorio Hoelch. Asina un portavoz militar di Israel a participa.

Segun e portavoz e Siriaconan a tira entre otro cu cajonnan monta riba tankinan di guerra. E Israelitanan a contesta e fuego. Un militar di Israel a sufri heridanan leve. Despues di intermediacion di observadornan di Nacionnan Uni e tiramento a para.

Un portavoz militar di Siria a participa, cu den un lucha fronterizo tres vehiculo blindado di Israel a worde destrui, asina Radio Damasco ta anuncia.

Segun e radio emisora postnan Israeliista di frontera y vehiculo nan blindado di Israel a tira riba postnan di Siria. E Siriaconan a contesta e fuego y a destrui vehiculo nan. Siria a entrega un cheque cerca e comision di armisticio.

AGENDA

ARUBAANSE COURANT

diariamente cu excepcion di diadomingo
 subscripcion f. 3.25 pa luna
 edicion los 20 ct.
 edita pa:
 N.V. ARUBAANSE DRUKKERIJ
 - en UITGEVERS - en PUBLI-
 CITEITS MIJ.

imprimi na:
 N.V. DRUKKERIJ
 "DE STAD"

Telefoon 1116 Directiva y redac-
 cion, 2116 Anuncio y subscrip-
 cion.

Directeur hoofdredacteur:
 D. Wolff.

POR CUMPRAR ARUBAANSE
 COURANT NA E SIGUENTE
 LUGARNAN:

NA ORANJESTAD:
 BOEKHANDEL MARISKA,
 PIET SODA FOUNTAIN,
 REFRESQUERIA INGRID.

NA SAN NICOLAS
 NICOLAAS STORE,
 UNION STORE.

BOTICANAN DI WARDA

Oranjestad Botica Del Pueblo
 Tel. 1253-2154.
 San Nicolas Botica San Lucas
 Tel. 5119

CINE

De Veer: 8.30 p.m. "Follow The
 Boys" 14 j
 Rialto: 8.00 p.m. "Romance en
 Puerto Rico" 18 j
 Principal: 8.00 p.m. "Papal sDe-
 licate Condition" all
 Aurora: 7.30 p.m. "Girls, Girls,
 Girls" all
 savaneta: 8.00 p.m. "Escape from
 East Berlin" all

TELEARUBA

6.00 Public Service
 6.30 Dutch Film
 6.45 Papiamento newscast Live
 & Filmnews
 7.30 Phil Silvers
 7.45 This Man Dawson
 8.15 Concentration
 8.45 English newscast Live
 & Filmnews
 9.00 Wire Service
 10.00 Wrestling

RADIO KELKBOOM

7.00 Opening
 7.02 Bon dia cu alegria (In-
 strumental)
 7.30 Noticia Internacional (Am-
 stel)
 7.45 Musica Matutino
 8.00 Seleccion Musical cu dis-
 conan Latino Americano.
 8.30 Cumpleanjos Feliz
 9.00 Noticia Social
 9.15 Musica Varia
 9.30 Melodias Instrumental
 10.00 Noticia Internacional
 10.05 Ritmos Latinos
 10.30 Programa di H. Hablbe Jr
 11.00 N oticia Internacional
 11.05 Musica Norte-Americana
 11.15 Musica Antillana
 11.30 Musica Varia
 12.15 Noticia Internacional
 (Schlitz)
 12.30 Musica Norte-Americana
 12.45 Noticia Lokaal (Viana)
 01.00 Musica Varia
 01.30 Ripiticion Boekbespreking
 P. Heuvel
 01.45 Boleros
 02.00 Novela (Ripiticion)
 02.30 Peticiones
 03.15 Ritmos di Caribe
 03.45 La Macorisane & Interna-
 cional Supermarket
 04.00 Musica cu sabor Azteca
 04.30 Noticia Lokaal (Heineken)
 04.45 Cocktail Musical
 05.00 Danzones Cubanos
 05.15 Musica Varia
 06.00 Noticia Deportivo (Gillette)
 06.15 Musica Varia
 06.30 R.V.D. (Regering Voorlich-
 tings Dienst)
 06.45 Groeten uit Nederland
 07.00 Noticia Internacional na
 Papiamento
 07.15 Musica Europeo
 07.45 Musica Norte Americana
 (Instrumental)
 08.15 Novela (Colgate)
 08.45 Musica Varia
 09.15 Hit Internacional
 09.45 Variacion Musical
 10.00 Skitting

RADIO VICTORIA

6.00 Peticiones
 6.15 E Bijbel Habri
 6.30 Ultimas Noticias
 6.45 Ecos Del Cielo
 7.15 Bo Musica Favorito
 7.45 Delicados Pastos
 8.00 La Hora Nazarena
 8.15 Joyas Del Hogar
 8.30 Ultimas Noticias
 8.45 Musica Di Banda
 9.00 Noticias Español
 9.15 Melodias Del Alma
 9.30 Morning Melodies
 10.00 World News
 10.10 The Bible For You
 10.15 Through The Bible
 10.45 Sacred Songs
 11.00 Chapel Of The Air

YA BO A LAGA NOS SA TA KENDE TA BO CANDIDATA FAVORITA PA REINA DI DEPORTE 1964?

Entrega bo cartanan na nos redaccion:

Nassastraat 85,

11.15 Novela Cristiana
 11.30 Melodias Di Merdla
 P.M.
 12.00 Ultimas Noticias
 12.15 Musica Sagrada
 12.24 Thought For The Day
 12.30 World News
 12.45 Quiet Time
 1.00 Radio Concert Hall
 2.00 Reading Room
 2.15 Songs of Zion
 2.30 Quiet Hour
 2.45 Radio Revival
 3.15 World Nes Headlines
 3.20 Ensuenos Musicales
 3.45 Musica Di Banda
 4.00 Bo Pregunta Contesta
 4.15 Ultimas Noticias
 4.30 E Ora Adventurosa
 4.45 Noticias Español
 5.00 Cafe con Musica
 5.15 Palabranan di Bida
 5.30 Light And Life Hour
 6.00 World News
 6.15 Miracles
 6.40 Musical Interlude
 6.45 Listening Post
 7.00 Children's Gospel Hour
 7.15 Off The Record
 7.30 Back To The Bible
 8.00 Musical Gems
 8.30 Nederlands Nieuws
 8.45 Christus Tot De Volkeren
 Der Aarde Gebracht
 9.00 Klassieke Muziek
 10.00 Sign Off

RADIO CARACAS TELEVISION

9.00 T.V. Educativa
 10.30 Cosas de mujeres
 11.15 El hogar y la moda
 11.45 Novela
 12.00 Noticias
 12.05 Show de Renny
 13.45 Se necesita una amiga
 13.35 Cortos
 14.00 Yo se lo vendo
 14.30 Documental

Cu un FLOOR-POLISHER ELECTRICO

bo vloernan ta lombra
manera spiel.



Mas higienico, mas rapido, mas economico!
 Esey REDDY KILOWATT ta garantisa bo!

10.00 Estudio de Hector Monte-
 rde
 15.30 Perfecta forma de casa
 16.00 Mejias y sus muchachos
 17.00 El padre soltero
 17.30 Circo de frontera
 18.30 Club musical
 19.00 Ruta 66
 20.00 Bonanza
 21.00 El Observador Creole
 21.15 Arresto y juicio
 22.45 Alfred Hitchcock
 23.15 Noticias Panam

CUMPLEANJOS

Dia 6 di juli a cumpli 52 anja
 Señora Petra Wolff, felicitacion

ta bini di su esposo Johan, 9
 juinan, 3 joe di crianza Glenda,
 Sita, Juan, y de mas familia.

Postsluitingen

Argentina 15.30 - Bolivia 15.30;
 Bonaire 16.00 - Brazilie 15.30;
 Br. Guiana 15.30 - Canada 8.00;
 Chile 15.30 - Costa Rica 15.30;
 Cuba 15.30 - Curacao (8.00) - El
 Salvador 15.30 - Guatemala 15.30;
 Honduras 15.30 - Mexico 15.30;
 New York 8.00 - Nicaragua 15.30;
 Panama 15.30 - Paraguay 15.30;
 Suriname 15.30 - Trinidad (5)
 15.30 - Uruguay 15.30 - Vene-
 zuela 15.30.

"DESTINO FAVORABLE" NOVELA

No. 11.

Algun dia lo jega asina leeuw, y lo
 bo haya tranquilidad. Ye ora ey, bo
 mester sa, cu bopor bin sercami,
 Jetta, cu mi amor lo yudabo pa
 vence sombra di pasado. Jetta a
 sinti cu cada palabra lo penetra
 profundamente den su curazon. Di
 repente el a realisa, cu lo noper-
 de e homber aki hamas, y cu sin su
 amor e no por biba mas. Apasiona-
 damente el a corre brazil, el a pri-
 mi su curpa contra dje, y a cumina
 sa jora di dolor y felicidad.

"Mi ta stimabo, Wolfgang, y si
 un dia bo mester despreciami,
 lo ta pa mi, mescos cu un cas-
 tigo di morto. Dunami tempo so
 kizas cuakier dia lo mi tin e cu-
 rash pa contabo tur cos." E
 homber por a tende con Jetta ta
 papia den su oreja, y e por a sin-
 ti e lipnan tembloroso riba su
 garganta, y un sentimiento inde-
 cible pa e muhe aki a podera den
 su curazon. "Jetta, chikito, mi ta
 stimabo, y si bo bandonami, pa mi

lo no tin solo mas." Wolfgang su
 ilpnan fini a caricia Jetta su cara
 y a sunchi su wowonan cu cuidao,
 y despues su boca. Cu e sunchi a-
 ki Jetta a lubida tur su tristeza. Un
 sentimiento indecible di felicidad
 y tranquilidad a podera di dje.
 xxx

Piet Allen ta para den e cura
 grandi y ta preocupa con wild su
 jiu muhé ta junga cu e cachonan,
 sin tin un tiki miedo pa e animal
 fuerte. El a hala rosea pisá y des-
 pues el a dirigi su mes na su jiu
 homber. Su jiu Jimmy ta un mu-
 cha homber cu bon tipo cu cabey
 blond y wowonan colo blauw. Un
 trek dicidido rond di su boca ta
 muestra cu e por ta duro y incom-
 placiente. Solamente si su wowo-
 mira e figura di su ruman muhé,
 e ora numa nan tin un expresion
 suave y yen di ternura. Jimmy
 Allen tabata stima su ruman mu-
 hé casi pasionalmente, y Mary
 tambe tabata masha pegá na su

ruman homber. Mary a bira un
 bunita mucha muhé, cu cabey
 pretu y wowonan scur. E tabata
 semper alegre y yen di bida. Ho-
 pi biala su mayornan ta preocu-
 pa pa esey. Ta un hende so tin,
 cu por domina Mary y esey ta
 Jimmy. Solamente un mirada, un
 palabra di dje ta suficiente pa
 Mary tende di dje. E mayornan
 mira otro significativo, pero nan
 no ta papia nada. Jimmy tabata
 chikito ainda, pa recorda cu su
 ruman muhe a worde haya riba
 caya den un macuto. Y semper
 nan a lagué kere cu esey ta su
 ruman muhé. Ya su tata a trata
 pa talé caba, pa lunga wild cu e
 cachonan, cu no tin mucho tempo
 serca nan. Pero e mucha no ta
 worry y ta hari ora cu su tata
 bisé. "Jimmy waak si bo por
 kite for di e bestianan." Si e
 bestianan bira furioso, nanta ca-
 pas di ataké. Jimmy a tira su ca-
 bes den su garganta. E no a con-
 testa, pero el a cana sin miedo
 bay serca e animalnan, mientras
 nan a cuminsa grunja, pasobra
 nan no conoce bon manera nan co-
 noce Mary. Spanta e mucha a drey
 miré. "Keda para, Jimmy", el a
 bisa spanta. "Nan no conocebo!"
 Pero Jimmy a sigui cana tranquil,
 solamente su cara abira mas se-
 rio. "Serra e bestianan awor aki
 mes Mary, sino mi mester hacié"
 el a bisa rabia. Spanta e mucha
 muhé a bay para meimei di Jim-
 my y e bestianan, tratando pa

calma e animalnan. "Jimmy por
 fabor, bay bek. Mi ta serra nan
 mi ta sigurabo esey, lo mi ha-
 cle". E mledo cu Mary ta sinti,
 ta haci su wowonan bira mas
 scur. Pero Jimmy no a moef, el
 a keda para, mientras el a bisa:
 "Mi ta keda warda, te ora bo
 serra nan, Mary", el a bisa de-
 cidido. E mucha muhé conoce e
 manera ey y e tabata sa cu cual-
 kier contrariedad lo tabata enva-
 no. E ta muestra un poco terco,
 pero e no ta durf bisa algo. El a
 coy e dos cachonan y a hiba nan
 serra. E ta muestra asina chikito
 entre e dos bestianan grandi. Po-
 co poco Jimmy a bira bek serca
 su tata, cu a keda mire sorpresa.
 "Asina, e mucha ey si ta brutal.
 Ami mester rogué, y abo ta bisa
 solamente un palabra y mesora e
 ta tende di bo." Jimmy ta hari ke-
 to. E tabata sintié orgulloso cu e
 ta impresioná su ruman muhé a-
 sina tanto. Y ta pesey cu te ainda
 e no a namora ningun otro mucha
 muhé, pa motibo cu nandosta sa-
 li asina bon cu otro. Mary ta cana
 den e cura y el a jega serca su ta-
 ta, el a braise, mientras el a drey
 mira su ruman homber cu bofon.
 "Aha, pakiko bo no ta bisa, loke
 tin riba bo lenga?" Rabia Mary a

bisa su tata: "Pappi, Jimmy ta
 terribel. Pakiko bo no ta bisé, cu
 e mester stop di tratami manera
 un mucha chikito. Ya mi tin casi
 dies ocho anja, y mi nota un baby

mas." E tata a hiza su schouder-
 nan y a drey mira su jiu homber
 cu smaak. "Pakiko bo mes no ta
 bisé, dushi? Nunca bo tabata tin
 miedo di dje." Rabia Mary a laga
 su tata los, el a corre bay serca
 su ruman homber, dalé un kinipi
 den su braise, y a saca careda bay.
 Asombra e dosnan a keda miré, y
 despues nan a hari cordial. Nan
 dos a bay den e kamber di mama
 kende hopi anja caba ta malo, y
 ta sinta den su leunstoel. "Ha-
 ha, porfin boso tin algun minuut
 di tempo pa mi?" el a bisa e dos
 hombernan, y su wowonan, cu
 ainda tin e brillo di semper, ta
 keda miranan. Jimmy a corre je-
 ga serca dje y a duné un sunchi
 riba su frente. "Con ta bay ma-
 na?" el a puntra tierno. "Danki,
 mi jiu. Ta con lo ta cu un pover
 muhe cu no ta sirbi pa nada
 mas?" Maske epalabranan aki a-
 margo, toch nan a zona optimis-
 mo, y nan a demostra cu e nokier
 meen di e tantoey. Pero Jimmy
 no kler tende asina maske ta den
 chanza. E ta stima e muhé aki, cu a
 bira pé un segunda mama, manera
 cu e ta su mes jiu. Nunca el a sinti
 cu su mamaberdadero a muri y cu
 e senjora aki ta ocupa su lugar.
 Despues cu Piet tambe a saluda su
 senjora cu ternura, nan a cay sin-
 ta. Tabata un conferencia keto. Y
 semper Jane tambe ta inclui den
 tur loke cu pasa ey den.

E ta sigui....

RIP KIRBY

Agente exclusivo di

FRIESCHE VLAG

pa cortesia di:

lechi evaporado y lechi en polvo

JAN BODEGOM & CO (ARUBA) N.V.**MAXWELL HOUSE KOFFIE.****CISCO KID**

pa cortesia di:

ARUBA BOTTLING COMPANY

NESBITTS den varios sabor, e refrescan mas pidi y mas gusta na Aruba.



**BUCHI ROBEZ**

Pa cortesia di:

PIET'S SODA FOUNTAIN

Tel. 2123

E mihor adres pa snacks, tur clase di dushi, softdrinks, ice-cream y revistas.

**PEPITA**

with compliments of

OFICINA MARITIMA DE ARUBA

DOCUMENTATION & TRANSPORTATION FOR INCOMING, LOCAL & OUTGOING CARGOES BY AIR, SEA AND LAND

**DICK TRACY**

presenta pa cortesia di

VICTORIA BOTLING COMPANY

PEPSI-COLA --- SEVEN UP --- GRAPETTE - KIST -- VICTORIA SODA WATER --- BUFFALO ROCK --- GINGER ALE ---

**Horoscopo personal**

ARIES-21 di maart-20 di april- No laganan gañabo cu palabranan falsu. E asunto no ta sina importante, di manera cu bo no mester cal den trampa.

TAURO-21 di april-21 di mei Dedicar un poco tempu pa bo descansar parti atardi. Quizas lo bo tin mester di mas energia den bo cas.

GEMINIS-22 di mei-21 di juni- Quizas nan ta requeri bo servicionan den dos direccion na e mesun momento. Pa bo evita di pone cualquier hende sufi, splita bo decision cuidadosamente na ambos banda.

CANCER-22 di juni-23 di juli- Hiba bo plan dilanti un persona di autoridad y bon criterio cu por dunabo e aprobacion di bo bon decision.

LEO-24 di juli-23 di augustus- Si bo ta pensa di biala percura pa bo sali tempran y corda bai cu bo famia. Diverti bo mes bon.

VIRGO-24 di augustus-23 di september- Loke bo pone aden no ta neceseramente loke bo ta bai saca. Si bo ta especulando mira pa bo decision ta basa riba conocimiento y no den presentimentu.

SPAAR PLACA!
CU TYRE

DUNLOP

PASOBRA NAN TA DURA MAS!

Agente na Aruba:

N.V. WARENHUIS VAN DER REE

Oranjestad - tel. 1213

LIBRA-24 di september-23 di oktober- Dedicar bo mes na bonegosiunan sin perde un minuut di bo tempu. Mientras mas tempran bo termina bo transaccionnan mas tempran lo bo mira e resultadonan.

ESCORPION-24 di oktober-22 di november- Ainda ora bo ta acustumbra di duna ordennan, percura di no dunanan e dia aki. Seucha bon y sigi e ordennan.

SAGITARIO 23 di november-22 di december- Esaki ta un bondia pa asuntunan financiero. Tuma tur e precaucionnan posibel.

CAPRICORNIO-23 di december-20 di januari- Esaki ta un dia den cual bo mester ta franco pero no brutu pa no pone ningun hende sufi.

ACUARIO-21 di januari-19 di februari- Acuario por hasi su mes famoso e dia aki. Prepara pa bo papia ora turno ta toca na bo.

PISCIS-20 di februari - 20 di maart- Pidi loke bo ta desea cu tacto. Quizas lo bo no obtene esaki inmediatamente, pero si eventualmente.

THORNTON A GANA COTTON

New York, -- UPI -- Wayne Thornton di California ayera noch a vence Eddie Cotton, maximo aspirante pa e titulo mundial di peso mediano pa decision dividi den un pelea di dies round cu a worde efectua den Madison Square Garden. Thornton ta figura na e quinto puesto di e clasificacion mundial.